

Տ. ԱՐԱՐԱՏ ՔԱՀԱՆԱ ՊՈՂՈՍՅԱՆ

Մայր Աթոռ Սուրբ Էջմիածնի մատենադարանի եւ հրատարակչության տնօրեն

Տ. Տ. ԳԵԻՈՐԳ Ե. ՍՈՒՐԵՆՅԱՆՑ ԿԱԹՈՂԻԿՈՍԻ ԿԱՆՈՆԱԿԱՆ ԿՈՆՂԱԿԸ ԱՉԳԱՅՏԱԿԱՆ ԱՍՏԻՃԱՆՆԵՐԻ ՎԵՐԱԲԵՐՅԱԼ¹

Հայ Եկեղեցու՝ առաքելահաստատ հոգեւոր կառույցի դավանաբանական եւ ծիսա-արարողական համակարգերը 1700-ամյա պատմության ընթացքում զարգացել են, մշակվել, որոշակիորեն փոփոխվել: Քրիստոնեության ընդունումից հետո հայ ժողովուրդն անկոտրում պայքարել է հանուն իր հավատքի եւ հայրենիքի՝ հաղթահարելով բազում դժվարություններ: Հայ Եկեղեցին ինչպես անցյալում, այնպես եւ այժմ նշանակալի դեր ունի հայ ժողովրդի կյանքում: Պետականության բացակայության պայմաններում Հայ Եկեղեցին ստանձնել է նաեւ հայ ժողովրդին առաջնորդելու եւ ղեկավարելու պետական գործառույթները:

Քրիստոնեության՝ պետական կրոն հռչակումից հետո Ս. Գրիգոր Լուսավորչի (302–325 թթ.) ջանքերով կարճ ժամանակամիջոցում ստեղծվում է եկեղեցական նվիրապետական (վարչական) կառույցը², եւ թագավորը Հայոց Եկեղեցուն պատվիրակում է հասարակական-պետական մի շարք բնագավառների կառավարումը: Դրանք են՝ կրթություն, դատական իշխանություն, կանոնադիր (օրենսդիր) իշխանություն, ընկերային (սոցիալական) ապահովություն, արտաքին քաղաքականություն:

Հայոց Եկեղեցին, ի շարս վերը թվարկված գործառույթների, ունեցել է նաեւ կանոնադիր (օրինաստեղծ) գործառույթ, որը հիմնականում իրականացրել է եկեղեցական ժողովների միջոցով: Ժողովների ընդունած իրավական դրույթները՝ կանոնները, վերաբերել են ինչպես եկեղեցական, այնպես եւ հասարակական կյանքի ամենատարբեր ոլորտներին: Ի դեպ, հայ իրականության մեջ եկեղեցական ժողովներին մասնակցել են նաեւ աշխարհիկ իշխանության ներկայացուցիչները՝ հաճախ

^{1*} Ստացվել է՝ 22.05.2025, գրախոսվել է՝ 22.06.2025: Էլ. հասցե՝ terararatqahana@gmail.com:

² Տե՛ս Ա. ԳԱԹԱՆ ԳԵՂՈՍ, Հայոց պատմություն, Երեւան, 1983, էջ 477. հմմտ. ՈՒԽՏԱՆԷՍ ԵՍԵՊԻԱՆ, Պատմություն, Վաղարշապատ, 1871, էջ 100:

հանդես գալով որպես ընդունված իրավական դրույթների գործադրման երաշխավորներ: Այս առումով չափազանց պերճախոս է Շահապիվանի 444 թ. եկեղեցական ժողովի արձանագրությունը, որի համաձայն՝ ժողովին մասնակցել են երկրի բոլոր իշխանները, որոնք, դիմելով մյուս ժողովականներին, ասել են. «Սուրբ Գրիգորի, Ներսեսի, Սահակի եւ Մաշտոցի սահմանած կարգը դուք վերստին հաստատեք ու նաեւ այլ լավ (կարգեր)՝ ձեր կամքով, եւ մենք մեր կամքով ու հավանություն մը հանձն ենք առնում»³: Եկեղեցական ժողովների ընդունած կանոնները պարտադիր են եղել ինչպես հոգեւորականների, այնպես եւ աշխարհականների, այդ թվում՝ իշխանավորների համար: Այդ է վկայում Փավստոս Բուզանդը 354 թ. Աշտիշատի ժողովի վերաբերյալ. «Եւ բոլոր աշխարհին պատվիրում էր նա (Ս. Ներսես Ա. Մեծը,– Ա. ԲՆԱ. Պ.)՝ նույն ինքն թագավորին, մեծամեծներին եւ առհասարակ նրանց, որոնք ուրիշի վրա իշխանություն ունեին, որ գութ ունենան իրենց ծառաների, ստորադրյալների եւ աշակերտների վրա....»⁴:

Հայ Եկեղեցին՝ իբրեւ կենդանի կառույց, անցել է զարգացման իր ուրույն ճանապարհ: Այն որոշակիորեն տարբերվում է մյուս Եկեղեցիներից, քանզի իր վարչական կառուցվածքում մշտապես ներառել եւ այժմ էլ ընդգրկում է թե՛ հոգեւորականների, թե՛ աշխարհականների:

Հայ Եկեղեցու հարաբերություններն այլ Եկեղեցիների հետ, ներքին կյանքը, եկեղեցի–հավատացյալ շփումն ինչպես անցյալում, այնպես եւ այսօր կարգավորվում են ոչ միայն ըստ Հայ Եկեղեցում գումարված ժողովների կանոնների եւ որոշումների, այլ նաեւ կաթողիկոսական կանոնական կոնդակների եւ շրջաբերականների՝ ժամանակի ընթացքում նվիրագործված ավանդույթների հիմամբ:

Նշենք, որ, բարեբախտաբար, պահպանվել ու մեզ են հասել ԺԹ.–ԻԱ. դարերի ընթացքում Ամենայն Հայոց կաթողիկոսների ստորագրած կանոնական որոշումներն ու կարգադրությունները, ինչպես նաեւ Մայր Աթոռ Ս. Էջմիածնին եւ առհասարակ Հայ Եկեղեցուն վերաբերող կառավարչական եւ օրենսդրական բազմաթիվ փաստաթղթեր (կոնդակ, շրջաբերական, տնօրինություն, կարգադրություն, որոշում եւ այլն),

³ Հմմտ. «Կանոնագիրք Հայոց», հտ. Ա., Երեւան, 1964, էջ 438:

⁴ ՓԱՎՍՏՈՍ ԲՈՒԶԱՆԳ, Հայոց պատմություն, թարգմ. եւ ծան.՝ Ստ. Մալխասյանցի, Երեւան, 1987, էջ 121:

որոնք այսօր եւս Հայոց հայրապետների հաջորդաբար կատարած բարեփոխումների արդյունքն են եւ ունեն իրավականոնական ուժ:

Այս շարակարգում առանձին ուսումնասիրության եւ հստակեցման են կարոտ ազգակցական կապի հիմնախնդրին ու դրան ուղղակի կամ անուղղակի առնչվող՝ ամուսնացողների տարիքի (չափահասության), ազգակցական-արյունակցական կապի հաշվարկման մեկ միասնական սկզբունքի որդեգրման, ամուսնալուծության թույլատրելիությանը վերաբերող միջնադարյան կանոնների վերանայման ու արդիականացման եւ հարակից այլ հարցերը:

Հաշվի առնելով վերջին տարիներին հավատացյալներին ամենաշատը հուզող հարցերից մեկը, այն է՝ զույգի միջեւ ազգակցական կապի ո՞ր աստիճանում է թույլատրելի պսակը, անհրաժեշտ ենք համարում Հայոց երջանկահիշատակ հայրապետ Գեորգ Ե. Սուրենյանցի (1911–1930 թթ.)՝ առկա խնդրին վերաբերող կոնգակի բնագիրն առաջին անգամ ամբողջապես հրապարակելը: Այս փաստաթղթի հրապարակումը թե՛ ժամանակին եւ թե՛ այսօր խիստ կարեւոր է պատմական իրականության բնութագրման ու Եկեղեցու իրավունքների ճշգրտման եւ պահպանման առումով: Փաստաթղթի բովանդակությունը Հայ Եկեղեցու պատմության մի մասն է, նրա՝ տարբեր ժամանակաշրջանների գործունեությունն արտացոլող վկայությունը:

Ամուսնության, խնամիության, ազգակցական (արյունակցական) կապի եւ աստիճանի մանրամասն քննությամբ արժեքավոր է Կ. Պոլսի Հայոց պատրիարք Հակոբ Նալչանի աշխատությունը, որում հեղինակը, տարբեր հարցադրումների միջոցով անդրադառնալով Պսակի խորհրդին, առանձին գլուխներով վերլուծում է նաեւ վերը նշված խնդիրները⁵: Ազգակցական կապի հիմնահարցը գրեթե միշտ եղել է մասնագետների ուշադրության կենտրոնում: ԺԹ. դարավերջին եւ Ի. դարասկզբին մի շարք ուսումնասիրողներ համակողմանիորեն անդրադարձել են այս խնդրին: Օրինակ՝ Վահան վրդ. Բաստամյանցն իր կանոնագիտական աշխատություններում, հատկապես՝ «Ամուսնութիւնն ըստ Հայոց իրաւաբանութեան» երկում քննարկել, մեկնաբանել է սույն հիմնահարցը, նա

⁵ Տե՛ս ՅԱԿՈԲ ՊԱՏՐԻԱՐԷ ՆԱԼԵԱՆ, Կրթութիւն աստուածաբանական զխորհրդոցն Եկեղեցւոյ, ներածութիւնը, քննական բնագիրն ու ծանօթ.՝ Յ. Քէօսէեանի, Ս. Էջմիածին, 2024, էջ 880–891:

օգտագործել է ամուսնությանը վերաբերող՝ մինչ այդ հրատարակված հայագիտական գրեթե բոլոր աղբյուրները: Նշյալ ուսումնասիրության մեջ հեղինակն առանձին բաժին է հատկացրել մերձավոր ազգականների չհասության խնդրի պարզաբանմանը՝ ցույց տալով միեւնույն ընտանիքի անդամների ամուսնության, ըստ կենսաբանների, վտանգավորությունն ու վնասակարությունը⁶: Հենց Վահան վրդ. Բաստամյանցն է հայագիտության մեջ առաջին անգամ առանձնացնում եւ սահմանում ճյուղագրություն, ազգակցություն (cognatio-agnatio), արյունակցություն (consanguinitas), խնամություն (affinitas) եզրույթները, տարբերակում մարմնական ազգակցությունը հոգեւորից (կնքահայրություն), բարոյականից (եղբայրակցություն), իրավաբանականից (որդեգրություն): Հեղինակն առանձնացնում է ամուսնական չհասության հինգ ձեւ՝ 1. արյունակցական, 2. խնամական, 3. կնքահայրական, 4. որդեգրական եւ 5. եղբայրակցական: Սահմանելով արյունակցություն (consanguinitas) եզրույթը՝ Վահան վրդ. Բաստամյանցն ստեղծում է նշանային համակարգ, որն այնուհետեւ կիրառում է ճյուղագրության մեջ ազգակցական աստիճանը (gradus cognationis) գտնելու համար⁷:

Քննարկվող նյութի վերաբերյալ մեզ են հասել բազմաթիվ կանոններ⁸, որոնք պատմական տարբեր շրջափուլերում հասարակության մեջ կարգավորել են ամուսնացող զույգի ազգակցական կապի խնդիրը: Այդ կանոնները եղել են պարտադիր, իսկ խախտողների համար սահմանվել են խստագույն պատիժներ: Նշենք, որ եղել են նաեւ դեպքեր, երբ եկեղեցական բարձրագույն իշխանությունը, ելնելով ստեղծված իրավիճակից, թույլատրել է ազգակցական կապի՝ այդ օրերում սահմանված եւ գործող աստիճանից շեղվել: Օրինակ՝ Ա. Տեր-Միքելյանն իր «Պսակի Ս. Խորհուրդը» աշխատության մեջ ուսումնասիրում է քննարկվող խնդիրը՝ հարակից հարցերով հանդերձ⁹: Հեղինակը, նշյալ ուսումնասիրության¹⁰ մեջ անդրա-

⁶ Այս մասին մանրամասն տե՛ս ՎԱՀԱՆ ՎԱՐԳԱՊԵՏ ԲԱՍՏԱՄԵԱՆՑ, Կանոնագիտական երկեր, աշխատ.՝ Ա. Բողոյանի, խմբ.՝ Շահե վրդ. Անանյան, Ս. Էջմիածին, 2015, էջ 336–413:

⁷ Տե՛ս ՎԱՀԱՆ ՎԱՐԳԱՊԵՏ ԲԱՍՏԱՄԵԱՆՑ, Կանոնագիտական երկեր, Ս. Էջմիածին, 2015, էջ 45:

⁸ Տե՛ս «Համաբարբառ Կանոնագիրք Հայոց», կազմ.՝ Արամ Մարտիրոսեան, խմբ.՝ Շահե Ժ. վրդ. Անանեան, Ս. Էջմիածին, 2020, էջ 698–712:

⁹ Տե՛ս Ա. ՏԵՐ-ՄԻՔԵԼՅԱՆ, Պսակի Ս. Խորհուրդը, Վաղարշապատ, 1894, էջ 94–146:

¹⁰ Նույն հեղինակն այս խնդրին համառոտ անդրադառնում է նաեւ իր մեկ այլ ուսումնասիրության մեջ. տե՛ս Ա. ՏԵՐ-ՄԻՔԵԼՅԱՆ, Հայաստանյայց Սուրբ Եկեղեցու քրիստոնեականը,

դառնալով ժԹ, դարում եկեղեցական բարձրագույն իշխանություն՝ որոշակի հանգամանքներին տեղի տալու եւ ազգակցական կապի ընդունված աստիճանից շեղվելու թույլտվությանը, գրում է. «Այս արդէն շատերից մի օրինակ է, թէ ինչպէս էին վարում Հայոց կաթողիկոսը, երբ հանգամանքների այնպիսի վիճակում էին գտնուում ամուսնացողներն, որ անհրաժեշտ էր լինում ներողամտաբար ուղղելու հնարների դիմել: Վերջին կաթողիկոսները նման դէպքերում գործ էին ածում «ոչ յօրինակ այլոց» խօսքերը, սակայն բաղձալի է, որ յիշուին թէ՛ այդպէս ներողամիտ լինելու պատճառներն եւ թէ՛ կանոնազանցութեան թեթեւացուցիչ աշխատանքներն, որոնցով կարողանում են սիրայոյզ ամուսիններն ամոքուել, խոյս տալ վերջնական կորստից, զղջալ եւ պատուիրանապահութեամբ բարեկեցիկ լինել Հայոց Եկեղեցու աստուածային շնորհների տակ»¹¹:

Մեզ հետաքրքրող խնդրին համակողմանիորեն անդրադարձած հաջորդ հեղինակը Ներսես վրդ. Մելիք-Թանգյանն է: Նա, ուսումնասիրելով սկզբնաղբյուրները եւ ժամանակի եկեղեցականոնագիտական նյութերը, իր «Հայոց եկեղեցական իրաւունքը» հիմնարար աշխատության մեջ առանձին հատված է նվիրում Հայոց մեջ եկեղեցական դատին ու դատավարությանը: Այս հատվածներում, հատկապես՝ «Պսակի մասին» բաժնում¹², պատմական ակնարկով ներկայացնում է եկեղեցական պսակը, անդրադառնում հասության եւ շահասության խնդրին, նշանադրության եւ պսակադրության կարգին, ազգակցության՝ Հայոց Եկեղեցու համար ընդունելի աստիճաններին եւ ազգակիցների միջեւ ամուսնության թույլտվության կարգին, խնամիական աստիճաններին, ամուսնալուծության կարգին՝ հատուկ անդրադառնալով Հակոբ Ղրիմեցու՝ պսակի կանոններին¹³: Ավելի ուշ՝ Հայ Եկեղեցու խորհուրդներին նվիրված իր գրքույկում Ս. Պսակի խորհուրդը ներկայացնելիս, ի շարս այլ հարցերի՝ ամփոփ անդրադառնում է նաեւ ազգակցական աստիճաններին ու դրանց հաշվարկի խնդրին¹⁴:

Ս. Էջմիածին, 2007, էջ 463–464:

¹¹ Ա. ՏԵՐ-ՄԻՔԵԼԵԱՆ, Պսակի Ս. խորհուրդը, Վաղարշապատ, 1894, էջ 145–146:

¹² Մանրամասն տես ՆԵՐՍԷՍ ՎՐԴ. ՄԵԼԻՔ-ԹԱՆԳԵԱՆ, Հայոց եկեղեցական իրաւունքը, առաջաբանը եւ ծանօթ.՝ Ա. Բօգդեանի, Ս. Էջմիածին, 2011, էջ 801–833:

¹³ ՏԵՍ ՆԵՐՍԷՍ ՎՐԴ. ՄԵԼԻՔ-ԹԱՆԳԵԱՆ, Հայոց եկեղեցական իրաւունքը, Ս. Էջմիածին, 2011, էջ 13:

¹⁴ ՏԵՍ ԴԵՐԵՆԻԿ ԵՊՍ. [ՓՈԼԱՏԵԱՆ], Հայաստանեայց Առաքելական Սուրբ Եկեղեցւոյ խորհուրդները, Պէյրութ, 1957, էջ 90–93:

Ազգակցական աստիճանների հարցը քննարկելիս անհրաժեշտ է առանձնակի ուշադրություն դարձնել հոգեւոր ազգակցության աստիճանակարգմանը: Վերջինս նաեւ անուղղակի կապ ունի ու կարեւոր է մասնավորապես կնքահոր եւ սանիկի, կնքահոր ու սանիկի հարազատների միջեւ ամուսնությանը վերաբերող կանոնների ուսումնասիրման տեսանկյունից: Այս խնդիրը եւս հայտնվել է որոշ ուսումնասիրողների ուշադրության ծիրում: Օրինակ՝ Տ. Զաքարիա վրդ. Բաղումյանը, իր «200 հարց Ա. Մկրտության մասին»՝ հարց ու պատասխանի ձևով շարադրված գրքում անդրադառնալով կնքահոր եւ սանիկի ամուսնության թույլատրելի լինել-չլինելու վերաբերյալ կանոնական որոշումներին, այդ թվում՝ 2014 թ. Ա. Էջմիածնի եպիսկոպոսաց ժողովի՝ կնքահոր եւ սանիկի միջեւ ամուսնության արգելքի, կնքահոր ու սանիկի հարազատների միջեւ ամուսնության՝ ազգակցության 3-րդ աստիճանի թույլտվությանը, եզրակացնում է. «...քանի դեռ հայրապետական նոր կոնդակ չկա այս մասին, կանոնական առումով դեռեւս ուժի մեջ է Խրիմյան Հայրիկի սահմանած հոգեւոր ազգակցության 6 պորտը»¹⁵: Սույն խնդիրը քննարկել է նաեւ Ա. Զանթիկյանը «Ամուսնության որոշ արգելքների շուրջ» հոդվածաշարում, որտեղ հեղինակը, ուսումնասիրելով համապատասխան գրականությունը, ամփոփում է. «Այսպիսով, բացի Հակոբ վրդ. Ղրիմեցու աշխատասիրությունից եւ Ներսես վրդ. Մելիք-Թանգյանի որոշակի անդրադարձից, այլ աղբյուրներում առկա՝ նույն կնքահոր սանիկների ամուսնության խնդրին վերաբերող տեղեկությունները բավականին սուղ են: Զգտանք նաեւ մեր հարցին առնչվող ժողովական որեւէ կարգադրություն կամ կանոնական որոշում, ուստի, կարծում ենք, այս խնդիրը դեռեւս քննարկման ու լուսաբանման կարիք ունի»¹⁶:

Նկատենք, որ թե՛ հայր Զաքարիայի, թե՛ Ա. Զանթիկյանի եզրակացությունները հոգեւոր ազգակցության վերաբերյալ չեն արտահայտում պատմական իրողությունն ամբողջապես: Այսպես՝ 2014 թ. Ա. Էջմիածնի եպիսկոպոսաց ժողովը կնքահոր եւ սանիկի, ինչպես նաեւ կնքահոր ու սանիկի հարազատների միջեւ հոգեւոր ազգակցության եւ ամուսնության

¹⁵ Տ. ԶԱՔԱՐԻԱ ՎՐԴ. ԲԱՂՈՒՄՅԱՆ, 200 հարց Ա. Մկրտության մասին, Երեւան, 2016, էջ 129:

¹⁶ Ա. ԶԱՆԹԻԿՅԱՆ, Ամուսնության որոշ արգելքների շուրջ, «Քրիստոնյա Հայաստան» երկշաբաթաթերթ, 2020, հոկտեմբեր Ա., թիվ 19 (567), էջ 4, 5, հոկտեմբեր Բ., թիվ 20 (568), էջ 3–4:

թույլատրելիության վերաբերյալ սահմանել է. «Կնքահոր եւ սանիկի միջեւ ամուսնությունն արգելվում է: Ամուսնությունը կնքահոր եւ սանիկի հարազատների միջեւ թույլատրելի է ազգակցական 3-րդ աստիճանից»¹⁷:

Ինչպես վերը նշեցինք, եթե, ըստ հայր Զաքարիայի, 2014 թ. եպիսկոպոսաց ժողովի մեջբերյալ որոշումը չունի կանոնադրական ուժ եւ անպայմանորեն պետք է հաստատվի կաթողիկոսական կանոնական նոր կոնդակով¹⁸, ապա թե՛ ամուսնության, թե՛ հոգեւոր ազգակցության աստիճանների, թե՛ կնքահոր ու սանիկի միջեւ ամուսնության վերաբերյալ շարունակում է ուժի մեջ մնալ ոչ թե Մկրտիչ Ա. Խրիմյանի (1892–1907 թթ.) 1899 թ. կոնդակը, այլ Գեւորգ Ե. Սուրենյանց կաթողիկոսի 1922 թ. կանոնական կոնդակը, որտեղ հստակ գրված է. «...այսու հայրապետական կանոնական կոնդակաւ հաստատեմք եւ տամք իրաւունս կատարելոյ յետ այսորիկ զպսակս ի հինգերորդ աստիճանի արեւակցութեան եւ ի չորրորդ աստիճանի իմամութեան: Իսկ վասն պսակաց հոգեւոր ազգականաց՝ կնքաւորաց եւ սանուց, վերացուցանեմք զամենայն արգելս՝ տալով իրաւունս կատարելոյ զպսակս այդպիսեաց»: Նշյալ կոնդակի բովանդակությունը նույնությամբ վերահաստատել է 1932 թ. ազգային-եկեղեցական ժողովը. «...Այդ զեկուցման հիման վրայ ժողովը հաստատում է նախ հանգուցեալ կաթողիկոսի 5 կոնդակները... Բ) Ազգակցական հինգերորդ եւ խնամէական չորրորդ աստիճանի եւ հոգեւոր ազգակցութեան, կնքահոր եւ սանուհու ամուսնութեան արգելքի վերացում (թ. 645, նույնքեր 11, 1922).... Երկրորդ կոնդակ՝ կնքահոր եւ սանուհուն վերաբերող մասը ժողովն ընդունում է միայն ժամանակաւոր՝ մինչեւ յետագայ ազգային-եկեղեցական ժողովի նոր սահմանադրութեան հաստատութիւնը»¹⁹: Նշենք, որ այս շրջաբերականն ուղարկվել է նվիրապետական բոլոր աթոռներին եւ առաջնորդություններին: Օրինակ՝ Մեծի Տանն Կիլիկիո Կաթողիկո-

¹⁷ Տ. ԱՐԱՐԱՏ ՔԶՆ. ՊՈՂՈՍԱՆ, Ծիսամատյանի արժեքավոր հրատարակություն. «ՄԱՇՏՈՅ» (Յորում աւանդին սրբազան արարողութիւնք ազգիս ըստ սահմանադրութեան Սուրբ Եկեղեցւոյ Հայոց, Ս. Էջմիածին, 2024, 568 էջ), «Էջմիածին», 2025, Ա., էջ 138:


¹⁸ Տե՛ս Տ. ԶԱՔԱՐԻԱ ՎՐԳ. ԲԱՂՈՒՄՅԱՆ, 200 հարց Ս. Մկրտության մասին, Երեւան, 2016, էջ 129:

¹⁹ ՀԱԱ, ֆ. 409, ց. 1, գ. 163, թ. 5, 6–7: Հրապարակված տարբերակը տե՛ս «Շրջաբերական բոլոր թեմակալ առաջնորդներին եւ թեմական կենտրոնական հաստատութիւններին». «Վաւերագրեր Հայ Եկեղեցու պատմութեան. Խորեն Ա. Մուրադբեկյան Կաթողիկոս Ամենայն Հայոց (հոգեւոր գործունեությունը 1901–1938 թթ.)», գիրք Բ., կազմեց Ս. Բեհբուդյանը, Երեւան, 1996, էջ 354:

սուժյուն ուղարկված՝ Գեւորգ արք. Զորեքչյանի ստորագրությամբ այս շրջաբերականը հրապարակվել է «Հասկ» պարբերականում, որտեղ նույնությամբ ներկայացված է 1932 թ. ազգային-եկեղեցական ժողովի՝ մեզ հետաքրքրող հարցը²⁰:

Քանի որ առ այսօր կաթողիկոսական որեւէ այլ կոնդակով կամ կանոնադրական որոշմամբ չեղյալ չի հայտարարվել Գեւորգ Ե. Սուրենյանցի նշյալ կոնդակը, եւ ազգային-եկեղեցական ժողովի նոր սահմանադրություն չի հաստատվել, ուստի թե՛ Գեւորգ Ե. կաթողիկոսի կոնդակը եւ թե՛ այդ կոնդակի բովանդակությունը վերահաստատող 1932 թ. ազգային-եկեղեցական ժողովի որոշումը շարունակում են ունենալ կանոնադրական ուժ:

Այսու, ներկայացնում ենք Գեւորգ Ե. Սուրենյանցի կանոնական կոնդակը արյունակցության հինգերորդ աստիճանի դեպքում պսակ կատարելը թույլատրելու, խնամիության չորրորդ աստիճան հաստատելու, կնքահոր եւ սանիկի ամուսնությունը թույլատրելու, ինչպես նաեւ հոգեւոր ազգակցության ամեն տեսակի արգելքները վերացնելու վերաբերյալ:



²⁰ Տե՛ս «Էջմիածին եւ Անթիլիաս», «Հասկ», 1933, թիւ 2, էջ 10:

ԳԵՒՈՐԳ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍԱՆԵԼԻ
ԿԱՄՕՔՆ ԱՍՏՈՒԾՈՅ ԵՊԻՍԿՈՊՈՍԱՊԵՏ ԵՒ ԿԱԹՈՒՂԻԿՈՍ
ԱՄԵՆԱՅՆ ՀԱՅՈՑ ԾԱՅՐԱԳՈՅՆ ՊԱՏՐԻԱՐԺ ՀԱՄԱԶԳԱԿԱՆ
ՆԱԽԱՄԵԾԱՐ ԱԹՈՌՈՅ ԱՐԱՐԱՏԵԱՆ ԱՌԱՔԵԼԱԿԱՆ ՄԱՅՐ
ԵԿԵՂԵՑԻՈՅ ՍՐԲՈՅ ԿԱԹՈՒՂԻԿԷ ԷԶՄԻԱԾՆԻ

Շնորհազարդ Տ. Սահակ Սրբազան Կաթողիկոսի Տանն Կիլիկիոյ, Ամենապատիւ պատրիարքի Առաքելական Աթոռոյն Սրբոց Յակովբեանց Երուսաղէմի՝ Տ. Եղիշէ արքեպիսկոպոսի Դուռեան, Ամենապատիւ պատրիարքի Հայոց Կ. Պօլսոյ Տ. Զաւէն արքեպիսկոպոսի [Տէր-Եղիայեան], Գերաշնորհ արքեպիսկոպոսաց, Գերապատիւ եպիսկոպոսաց, առաջնորդաց եւ տեսչաց Առաքելական Սուրբ եւ Ուղղափառ Եկեղեցոյս Հայաստանեայց եւ համայն հոգեւոր ուխտի՝ հովուաց եւ սրբազնագործ պաշտօնէից հայ հաւատացեալ հօտին Քրիստոսի ընդ ամենայն աշխարհս եւ ի պետութիւնս, ողջոյն քրիստոսաւանդ եւ սրտաբոլիս օրհնութիւն ի Հայրապետէս Հանուրց Հայոց եւ ի բազմավիշտ աթոռակալէս առաջին լուսաւորչացն մերոց՝ սրբազան առաքելոց Թադէոսի եւ Բարդուղիմէոսի եւ բազմերախտ հօրն մերոյն Սրբոյն Գրիգորի առաքելապատիւ հայրապետին եւ երկրորդ Լուսաւորչին Հայաստան աշխարհիս:

Շնորհք, սէր եւ խաղաղութիւն, աստուածային այցելութիւն եւ երկնային ողորմութիւն հանգիցէ ի վերայ ձեր ամենեցուն, ի վերայ ազգիս Հայոց եւ Հայաստան աշխարհիս:

Ի բազում ամաց հետէ խնդիրք ամուսնական չհասութեան յամենայն տեղիս ի մերազնեայս, յատկապէս ի գաղութս մեր, օրըստօրէ բարդեցեալ դժուարանային եւ յանախակի լինէին առիթ ուժանալոյ զաւակաց մերոց Սուրբ Եկեղեցոյս:

Ամենեցուն է յայտնի, զի էր երբեմն, յորժամ կենցաղ եւ սովորոյթ նահապետական իշխէր ի շինականս եւ ի գաղթականս մեր, եւ բազումք էին յընտանեաց նոցա, բաղկացեալք ի քանից եւ յառաւել անդամոց, որք արեւակիցք էին ի հինգերորդ եւ ի վեցերորդ աստիճանս, յորոց եւ ոչ մի ոք զմտաւ իսկ ածէր, եթէ հնար ինչ իցէ ամուսնանալ ընդ իրեարս, զի երիտասարդք եւ օրիորդք, սնեալք ընդ յարկաւ միով, հայէին ի միմիանս իբրեւ զեղբարս եւ զգորս: Սակայն յազդմանէ տնտեսական խնդրոց եւ ի ներգործութենէ ոգւոյ ժամանակիս հետզհետէ փոփոխեալ լինէին ընտանեկան պայմանք եւ կենցաղ, եւ թուականային սովորոյթք նահապետականք: Իսկ ի վերջին ամս ցաւ

ի սիրտ տեսանեմք, զի ամենայն ինչ փայլալուստ աւերեցաւ, եւ ցաւատանջ ժողովուրդն մեր վտարանդի եղեւ յամենայն կողմանս: Ընտանեկան կացութիւն եւ ամուսնական պայմանք տարագիր զաւակացս տագնապեցուցանեն եւ արկանեն զՄեզ ի մտատանջութիւն, եւ Մենք՝ Հայրապետ Հանուր չափ, զհանգամանս եւ զվիճակս ժամանակիս կշռադատեալ եւ տեսեալ, զի անհնարին է գումարել զազգային-եկեղեցական ժողով՝ վասն կարգաւորելոյ նաեւ զյիշեալ խնդիրսն, որոշեցաք տալ զվնիռ ամուսնական ժամանակակից խնդրոց. սակայն նախքան գտնօրէնութիւն Մեր, հարկ անհրաժեշտ վարկաբան զհնարաւորն ի կատար ածել՝ ժողովելով առ Մեզ զարձանագրեալ կարծիս, զարդիւնս խորհրդակցութեանց եւ զեզրակացութիւնս Ամենապատիւ պատրիարքաց մերոց, Կենտրոնական կրօնական ժողովոյ Հայոց Կ. Պօլսոյ, առաջնորդաց, սինօդականաց եւ եպիսկոպոսական դասու Մայր Աթոռոյս: Յամենեցունց ընկալաք եւ զեզրակացութիւնսն նոցա, որպէս ունիք տեսանել, յիշատակեցաք ի կանոնական կոնդակի Մերում ի 11 նոյեմբերի սոյն ամի ընդ համարաւ 644: Ի խորհրդակցութեանց եւ յեզրակացութեանց իրազեկ եղաք գոհութեամբ, զի ամենեւեմք համամիտ եւ համախորհուրդ լեալ՝ անհրաժեշտ համարին գնուագեցումն միով աստիճանաւ արեւակցական եւ խնամական ամուսնութեանց, այն է՝ զհինգերորդ աստիճան արեւակցութեան եւ զշորրորդ աստիճան խնամութեան համարել օրինական, իսկ զպսակս հոգեւոր ազգականութեան յամենայն աստիճանս նոյնպէս համարել օրինական: Եւ ըստ այսմ՝ միաձայն խնդրեն ի Մենք զհայրապետական Մեր զվնոահատութիւն եւ զհաստատութիւն ի դիրութիւն ժողովրդեան Մերոյ:

Արդ, ի նկատի առեալ Մեր զկանոնս սահմանեալս յազգային-եկեղեցական ժողովս Աշտիշատի, Շահապիվանի եւ Պարտաւայ, որովք արգելեալ լինին պսակք յերրորդ աստիճանի խնամութեան եւ ի շորրորդ աստիճանի արեւակցութեան, իսկ վասն ամուսնութեան հոգեւոր ազգականաց-կնքաւորաց չիք արգել ինչ ի յիշեալ կանոնս, եւ ի նկատի առեալ զլրջմիտ եւ զխոհական տեսութիւնս եւ զեզրակացութիւնս Ամենապատիւ պատրիարքաց Հայոց Երուսաղէմի եւ Կ. Պօլսոյ, Կենտրոնական կրօնական ժողովոյ, [երկուց համագումարաց հոգեւորականաց]²¹, առաջնորդաց, սինօդականաց եւ եպիսկոպոսական դասու Մայր Աթոռոյս, ըստ համբերատար եւ ժողովրդական ոգւոյ Հայաստանեայց Ս. Եկեղեցւոյս, նաեւ զայն կարեւոր հանգամանս, զի յապաւումն ամուսնա-

²¹ Փակագծում նշված հատվածը բուն կոնդակում բացակայում է, սակայն առկա է կոնդակների մատյանում. տե՛ս ՀԱՅ ֆ. 57, ց. 2, գ. 521, թ. 260ա:

կան աստիճանաց շէ մասն հաւատոյ եւ դաւանութեան, այլ կանոնական սահմանումն, ուստի Մեք՝ Ծայրագոյն Պատրիարք Կաթողիկոս Ամենայն Հայոց եւ Պետ Հայաստանեայց Առաքելական Ս. Եկեղեցոյս, ի լրումն կանոնական կոնդակի Մերոյ, ի վեր անդր յիշատակելոյ, այսու հայրապետական կանոնական կոնդակաւ հաստատեմք եւ տամք իրաւունս կատարելոյ յետ այսորիկ զպսակս ի հինգերորդ աստիճանի արեւակցութեան եւ ի չորրորդ աստիճանի խնամութեան, իսկ վասն պսակաց հոգեւոր ազգականաց-կնքաւորաց եւ սանուց վերացուցանեմք զամենայն արգելս՝ տալով իրաւունս կատարելոյ զպսակս այդպիսեաց:

Ո՞ղջ լերով, զօրացեալ շնորհօք Ս. Հոգւոյն եւ յաւէտ օրհնեալ ի Մէնջ. Ամէն:

Վշտալի Գեորգ Ե.

Ծայրագոյն Պատրիարք եւ Կաթողիկոս Ամենայն Հայոց

Ի 11 նոյեմբերի 1922 ամի

Ըստ Տօմարիս ՌՅԶԲ.

Ի Հայրապետութեան Մերոյ ԺԱ. ամի

յԱրարատեան Մ. Աթոռ Ս. Էջմիածնի

Ի Վաղարշապատ

Թ. 645

ՀԱԱ, ֆ. 48, ց. 1, գ. 731, թ. 9–10, ձեռագիր, բնագիր

ՀԻՄՆԱԲԱՌԵՐ

Ազգակցական աստիճաններ, արյունակցություն, հոգեւոր ազգակցություն, պսակ, ամուսնություն, Հայ Առաքելական Եկեղեցի, կանոնական իրավունք, կոնդակ, Գեւորգ Ե. Սուրենյանց, հոգեւոր իրավունք, եկեղեցական ժողովներ, Կանոնագիրք, կնքահայր, սանիկ, պսակի արգելք, իրավական կարգավորումներ, 1922 թ. կոնդակ, 1932 թ. ազգային-եկեղեցական ժողով:

25. April 1932 R.

5

969
32

Zugversuche 1932 R. Zugvers. 10-12 in 4-5 Minuten

zugvers. 10-12 in 4-5 Minuten Zugvers. 10-12 in 4-5 Minuten
Zugvers. 10-12 in 4-5 Minuten Zugvers. 10-12 in 4-5 Minuten

1. Zugvers. 10-12 in 4-5 Minuten R. 850.
2. Zugvers. 10-12 in 4-5 Minuten R. 851.
3. Zugvers. 10-12 in 4-5 Minuten R. 852.
4. Zugvers. 10-12 in 4-5 Minuten R. 853.
5. Zugvers. 10-12 in 4-5 Minuten R. 854.
6. Zugvers. 10-12 in 4-5 Minuten R. 855.
7. Zugvers. 10-12 in 4-5 Minuten R. 856.
8. Zugvers. 10-12 in 4-5 Minuten R. 857.
9. Zugvers. 10-12 in 4-5 Minuten R. 858.
10. Zugvers. 10-12 in 4-5 Minuten R. 859.
11. Zugvers. 10-12 in 4-5 Minuten R. 860.
12. Zugvers. 10-12 in 4-5 Minuten R. 861.
13. Zugvers. 10-12 in 4-5 Minuten R. 862.
14. Zugvers. 10-12 in 4-5 Minuten R. 863.
15. Zugvers. 10-12 in 4-5 Minuten R. 864.
16. Zugvers. 10-12 in 4-5 Minuten R. 865.
17. Zugvers. 10-12 in 4-5 Minuten R. 866.
18. Zugvers. 10-12 in 4-5 Minuten R. 867.
19. Zugvers. 10-12 in 4-5 Minuten R. 873.
- " " " " " " " " R. 870.
20. Zugvers. 10-12 in 4-5 Minuten R. 874.
- " " " " " " " " R. 871.
21. Zugvers. 10-12 in 4-5 Minuten R. 875.
- " " " " " " " " R. 872.

Գրադարանը ներկայումս համարվում է Երևանի քաղաքի և Հայաստանի Հանրապետության մշակութային ժառանգության օբյեկտներից մեկը։

- Որպեսզոր հորրորդ հարի մեջ հաստատենք Սեփեբու բարեկարգութեան մասին Գե-
որգիան Հոգեւոր Խորհրդի իզմէն զեղծեալ եւ կարգու 3, Գեորգի կրօնականութեան
կաղ զեղծեման իման վրայ ժողով հաստատու եւ նոր հարգեցեալ պարզեցուի 3
կախարհային կողմիցնոր, ա/ Քաւասանի ընդհանուրութեան (Ք. 644, Երեւն, 11, 1922),
բ/ Ազգայնական Բնիկորդի եւ Քաւասանի չորրորդ աստիճան եւ Հոգեւոր ազգայնա-
կան կնքար եւ աստուհի աստուհական արգելի վերաբերմ. 645, Երեւն, 11, 1922,
գ/ Նոր աստիճան մացկու (Ք. 349, Երեւն, 11, 1923), զ/Քրիստոսի արարարու-
թեան (Ք. 350, Երեւն 3, 1923), եւ վերջապէս հ/ Հաստատենք Սեփեբու բարեկարգութեան
սերտեւեցի վերահաստատութեան, իմանալ Խորհրդանի եւ աստիճանի կնքարներ
(Ք. 678, 1917) Եւ Խորհրդի կողմից վերաբեր եւ աստուհական վերաբերմ մար ժողով

վրն ցնդուելու միայն ժամանակներ, մինչև յետագայ ազգային-նկնջական ժողովի հանձնարարության հաստատությանը և Բարձրագույն Հոգեւոր ժողովի մասնագետներին ձեռքով հարուստ և հարցերը ուսումնասիրելու և այսպիսով Կաթողիկոսի և Երկու պատրիարքների կարծիքները լսելու և յետոյ անհրաժեշտ համարակից կանոնական կոնգրակիսի մասնագործը պահելի վերջնական հաստատության յետագայ ազգային-նկնջական ժողովի:

Յոյններին 11-ին երկրորդական նիստում որոշուել է մեծայն Հայոց կաթողիկոսի ընտրության հղանակը, թեկնածուները ընտրությանը կատարել թերթիկներով, իւրաքանչիւր ձայնի համար միայն մի անուն գրելով, իսկ վերջնական ընտրությանը կատարել սուսքերով:

Ժողովը անհրաժեշտ է համարում Գերագույն Հոգեւոր խորհրդի գոյությանը նախագահության համար մեծայն Հայոց կաթողիկոսի, բաղկացած չորս հոգեւորականներից, որոնց ընտրուել ազգային-նկնջական ժողովը, եւ երկու աշխարհականներից, որոնց հրահրուել այդ կազմը՝ ներկայ ժողովին մասնակցող աշխարհական պատգամաւորներից հաւասար իրաւունքով, հոգեւորականները կազմից դուրս եկող անգամներին տեղ մասնացաներն ընտրուեն նոր անգամ հոգեւորականներից զարձան հաւասար իրաւունքով:

Նոյն նիստում ազգային-նկնջական ժողովը յանձնարարուել է Գերագույն Հոգեւոր խորհրդին իւր նախագահ վահանակի վրայ վերջնական միջնորդական յարուցանել խորհրդային Հայաստանի կառավարության առջ քաւարութիւն տալու Հայոց եկեղեցու անհրաժեշտ եւ անյետաձգելի կարիքներին, այն է իրագործել հոգեւոր դպրոցի բացումը Հայոց եկեղեցու պաշտօնական պատրաստելու համար, ու ինչպէս պարբերական ամսագրեր իրենց օրգան և, նշմանքի Բարձրագույն Հոգեւոր ժողովին հետեւ, ստեղծել եկեղեցու հաստատուն աղբիւրներ և, նշմանքի տեսակի եւ միաբանութեան պահպանութեան, բացուելիք դպրոցի եւ պարբերական օրգանի ծախսերը եւ եկեղեցական պաշտամունքի գործերի տալիքութեան համար:

Յոյններին 12-ին ազգային-նկնջական ժողովի նիստը պիտի գումարուի տախտակով կատարելու մեծայն Հայոց կաթողիկոսի եւ Գերագույն Հոգեւոր խորհրդի անգամների ընտրութիւնը և յարապէս նշած ազգաբարձութեան հասակայն ժամը 11-ին համարուածն բոլոր պատգամաւորները վահանակի վրայ եւ այնպէս Յ. Տեղակալի գլխավորութեամբ՝ հանդիսաւոր երթով՝

Իշխում են ճանաչողականութեան դոկտրինայի հանդիմանական շնորհի գործի հետեւ պատշաճ աղմուկներից ու աղօթքներից յետոյ՝ Տ. Տեղակալը բացուած է համարում ժողովը թերթիկներով, գաղտնի քուէարկութեան հետեւանքն և, օրաշարուն ինչպէս ձայնից (կրճակի ցորանանը այդ քուէարկութիւնից յետոյ միայն հաշու եւ մտաւ ճանաչ) Գիտուն եւ մէկ ձայն ձայն ստանուել Յէր խորէն Արքեպիսկոպոսը, 12 ձայն Յ. Մատթէոս արքեպիսկոպոսը, 10 ձայն ստանուել Յ. Մարգարէ արքեպիսկոպոսը, 4 ձայն Յ. Բեդրատ արքեպիսկոպոսը, մի մի ձայն Յ. Տ. Թորգոմ, Գարեգին, Վերդ արքեպիսկոպոսները: Բացի խորէն եւ Մատթէոս արքեպիսկոպոսներից բոլորը հրաժարուածն քուէարկութիւնից:

Կէս ժամ ընդմիջումից յետոյ կատարուել է երկրորդ եւ վերջնական քուէարկութիւնը, ու յետեւ ձայնից վախճուն ձայն ստանուել Տ. խորէն Արքեպիսկոպոսը, եւ տասնեւինը ձայն ստանուել Ս. Մատթէոս արքեպիսկոպոսը, իսկ մէկ ձայն սպիտակ թերթիկ Յէր խորէն Արքեպիսկոպոս յարաբարութեւ ընտրուած կաթողիկոս մեծայն Հայոց: Սուրբ արքեպիսկոպոսը որդէն աւագագոյն, շնորհաւորութեւ ընտրութիւնը, եւ բոլոր պատգամաւորները մի մի մտանում համբուրում են ընտրեալի աջը:



9

ԳԵՈՐԳ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ

ԱՆՃԱՍՆԵՆԻ ԿԱՍՓԸ ԱՍՏՈՒԹՅՈՒՆ ԵՄԻՍԿՈՊՈՍԱԴՈՆ ԵՒ ԿԱԹՈՂԻԿՈՍ ԱՍԵՆԱՅՈՒ ՋԱՅՈՑ
ԵՄՅՐԱԳՈՅՆ ՊԱՏՐԻԱՐԺ ՋԱՄԱԶԳԱԿԱՆ ՆԱԽԱՍԵՆԱՐ ԱՐԹՈՈՑ ԱՐԱՐԱՏԵԱՆ ԱՌԱՔԵԱԿԱՆ
ՄԱՅՐ ԵԿԵՆԵՑԻՈՅ ԱՐԹՈՑ ԿԱԹՈՂԻԿԵ **ԷԶՍԻԱԾՆԻ** Զնորհարար **Մ. Աս**
եան Արքայան Կարուչիոսի Ասան Կիլիկիոյ, Ամեն-
պատիւ Եպարքիարքի Առաքելական Երանայն Արքայ
Հանգձեման Երանապետին՝ **Մ. Եղիշէ** Արքեպիսկոպոսի
Սբաթաւան, Ամենապատիւ Եպարքիարքի Հայոց Կ. Եղ-
այն **Մ. Զաւէն** Վրդեպիսկոպոսի, Գերաշնորհ Վրդեպիսկո-
պոսայ, Գերապատիւ Եղեպիսկոպոսայ, Առաջնորդայ
և Մեկնայ Առաքելական Առաք. և Նաղդաթաւ Եղեպի-
սայ Հայապատիւայ և Եանայն Դավանդաւորին՝ Հա-
պայ և Արքայան Գործ պաշտօնէի Հայ Եանապատիւ
Եղեպի Քրիստոսի ընդ աւանդին աշխարհաւ և ի կիտա-
րեան, ոչ զոյն Քրիստոսաւանդ և Արքայան Գոր-
ծաւորին ի Հայրապետին Եանապայ Հայոց և ի Քա-
նաքիոյ Արքանական Վանքին Հաւատարմայն Վրդ Արք-
այան Առաքելայ Քապետին և Քաղաքապետին և Քաղաքապետ
Հորն Վրդայ Արքայն Գործարի Վաւթեպատիւ Հայրա-
պետին և Երկրորդ Հաւատարմին Հայապատիւ աշխարհին
Զնորհի, սէր և խաղաղութեան, Աստուածային աշխար-
հաւ և Երկնային ողորմութեան Եանապետին ի Վրդայ ԶԻՎ
աւանդուն, ի Վրդայ աշխարհ Հայոց և Հայապատիւ աշխարհին
և Քաղաքաւանայ Եղեպի Քապետին աւանդական զհաւատարմ
աւանդայն Եղեպի ի Վրդայնայ, յայնպէս ի Չաղաքաւոր Վր-
դապետին Քաղաքաւոր, Կաւապատիւին և յաւանքին Վր-
դին աւանդաւանայ Կաւապատիւ Վրդայ ի Վրդայնայ
Վրդայն և յայնպէս ի իրեն, յորմաւ Կիւսպայ և
սովորայն Կաւապատիւին Եղեպի ի Վրդայն և ի

[illegible]

So prophage-lysis may be super lytic may bring it

արիճ պայանիս Ի Երևանի քաղաքի արտադրող-
Ռաւն Եւ Ի Կարբիքի արտադրող Ի Երևան Ռաւն. Իսկ
Վանի պայանիս Եւ Իսկ արտադրողիս - Կէտեւ քան
Եւ անհայտ Վերջացուցանի՛նք Վանի քաղաքի
Իսկ Ի Երևանի քաղաքի արտադրողիս:

Ռաւն Եւ Ի Կարբիքի արտադրող Եւ Ի Երևանի քաղաքի
արտադրող Ի Երևան քաղաքի:

Ի 11 Եւ Ի Կարբիքի 1922 թ. Ի Երևանի քաղաքի
քաղաքապետ 1237 Եւ Ի Երևանի քաղաքի
Ի Երևանի քաղաքի Եւ Ի Երևանի քաղաքի
Ի Երևանի քաղաքի Եւ Ի Երևանի քաղաքի
Ի Երևանի քաղաքի Եւ Ի Երևանի քաղաքի

Ի Երևանի քաղաքի

РЕЗЮМЕ

В данной статье анализируется каноническое послание (кондак) Католикоса Всех Армян Георга V Суренянца (1911–1930 гг.) относительно допустимых степеней родства между брачующимися в Армянской Апостольской Церкви. Автор исследует историко-правовой контекст, в котором Армянская Церковь, выполняя законодательные функции в отсутствии государственной власти, устанавливала правила, касающиеся брака и родства. Особое внимание уделяется различиям между кровным, духовным, усыновлённым и свояческим родством, а также анализируются постановления и мнения армянских канонистов XIX–XX вв., таких как В. Бастамянц, Н. Мелик-Тангян и др. Публикуется полный текст канонического кондака 1922 г., которым разрешается брак до пятой степени кровного и четвёртой степени свояческого родства, а также снимаются все ограничения, касающиеся духовного родства между крёстными и крестниками. Подчёркивается, что данное постановление, утверждённое также Всеармянским национально-церковным собранием 1932 г., сохраняет свою юридическую силу до настоящего времени. Работа имеет значимость как для правовой практики Армянской Церкви, так и для истории её канонического права.

SUMMARY

This article examines the encyclical issued by Gevorg V Surennyants, Catholicos of All Armenians (1911–1930) regarding permissible degrees of kinship between spouses within the Armenian Apostolic Church. The author examines the historical and legal context in which the Armenian Church, performing legislative functions in the absence of statehood, established rules concerning marriage and kinship. Particular attention is paid to the differences between consanguinity, spiritual kinship, adoption, and affinity, and the rulings and opinions of the 19th–20th century Armenian canonists such as V. Bastamyants, N. Melik-Tangyan, and others are analyzed. The full text of the encyclical of 1922 is published for the first time, which permits marriage up to the fifth degree of blood kinship and the fourth degree of affinity, and removes all restrictions on spiritual kinship between godparents and godchildren.

The article emphasizes that this resolution, which was also approved by the National Church Assembly of 1932, remains legally valid to this day. This study is of great importance both for the canonical jurisprudence of the Armenian Church and for the historical development of her legal doctrine.